



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De crebrâ per diem mentis in Deum elevatione ex omnibus, quæ per
sensus attinguntur, animæque potentiis se objiciunt

Limpens, Ferdinand

Coloniæ Agrippinæ, 1744

Bibliothecæ. In quibus libri sacri, profani, impressi, manuscripti de omni
scibili.

Nutzungsbedingungen

[urn:nbn:de:hbz:466:1-54773](#)

262 *Pars secunda de elevatione*
tur corpori ex sepulchro resurgentι, & collo-
cabitur ad dextram Iudicis æternū Deo frui-
tura. Diogenes ossa mortuorum hinc inde ver-
tens Alexandro dicebat, se non invenire discri-
men inter ossa Regum & Plebeiorum. Tunc
quilibet magnam videbit differentiam inter re-
surgentēs etiam ex eodem sepulchro. Hoc se-
riō pensent, qui pro anima parum solliciti tam
sollicitē provident, ut fœtenti post mortem cor-
pori exhibeantur honores. *Erit sepulchrum ejus*
gloriosum. If. 11. Hoc de materiali Christi se-
pulchro imprimis verum est. Cūm, sicut olim
in infinitis miraculis claruit, & ab Imperatricē
Helena nobilissimo templo exornatum fuit, ita
& usque huc ad illud licet in media Turcarum
barbarie situm perpetuus sit peregrinorum fide-
lium accursus. Cæterū hebraicē & græcē c. e.
habentur hæc verba: *Erit requies ejus in gloria.*
Unde *sepulchrum* hic non tam locum significat,
in quo positum sacrum Christi Corpus, quam
ipsam ejus gloriosam mortem nostræ vicissim
quietis sempiternæ causam.

Bibliotheca,
In quibus libri sacri, profani, impressi, manu-
scripti de omni scibili.

Sæpè hæc sunt publica & pomposa ædificia,
Varii Reges, Gentiles, Christiani, divites &
Magnates habuerunt, & adhucdum habent de-
siderium insatiabile, ingentem librorum cuius-
vis generis copiam coacervandi. Sed vanitas
sapit

sæpè est & stultitia, quod ipsi indocti sint, & nihil ex toto librorum acervo intelligent vel ediscere studeant. *Accipe librum, & devorailum.* Apoc. 10. Hoc est lege, perlege. *Qui non est inventus in libro vita scriptus, missus est in stagnum ignis.* Apoc. 20. *Gaudete, quod nomina vestra scripta sunt in celis.* Luc. 10. Hoc optimum manuscriptum. Nemo poterat aperire librum. Apoc. 5. Nisi Agnus, sive condigne satisfacere pro peccatis nostris nisi Deus incarnatus, & per hunc liber vitæ & occlusæ cœli januae humano generi apertæ sunt. Damnum per totam æternitatem non rescariendum, quod plurimi homines propriâ malitiâ has sibi denuò occludant. *Liber scriptus proferetur, in quo totum continetur, unde mundus judicetur.* Benè reflecte indies, quid in eo de tuis cogitationibus, verbis, operibus adnotetur tempore quolibet. Ex libro regularum ordinis tui tu religiose præterea judicaberis, sicut Christianus quilibet ex libro mandatorum Dei & Evangelio. Eò unicè collimet quivis, ut nomen suum inveniatur scriptum in libro vita. Duplex est liber iste teste D. Thoma 1. p. q. 24. art. 3. unus omnium illorum, quibus ratione justitiae, quam actu habent, vita debetur æterna. Alter eorum, qui pro æternitate prænoscuntur à Deo justi saltem in fine vitæ futuri, & vitâ æternâ re ipsa potituri. Et hi sunt soli prædestinati nunquam eradendi. Dum Moyses dixit Exod. 32. v. 32. *Dele me de libro vita quem scripsisti.* De utroque libro sive tam de carentia beatitudinis

264 *Pars secunda de elevatione*
dinis æternæ quām de jactura justitiae præsentis
intelligi potest, non quòd efficaciter alteru-
trum vellet, sed solum hypotheticè. Casu
quo citra culpam ullam illud posset esse utili
medium ad veniam populo Israelitico obtinen-
dam, ne Deus in æternum illum abjiceret, &
disperderet ob adoratum vitulum aureum. Hu-
jusmodi desideria licet inefficacia ad agendum
vitorum sanctorum maximi sæpè sunt meriti &
efficaciz ad id, quod petitur, à Deo impetrان-
dum. Sic Paulus ad Rom. 9. dicit: *Optabam*
ego ipse anathema esse à Christo pro fratribus meis.
Affer tecum libros, maximè autem membranæ.
2. Tim. 4. Per *libros* intelligit Apostolus volu-
mina S. Scripturæ alienâ manu *descripta*. Per
membranas similia propriâ manu *exarata*, nem-
pè mox moritus similibus legendis immori-
volet. Felix quem mors sive in oratione, sive
in occupatione ejusmodi sacra deprehendit. Sic
Sancti Ambros. Augustinus, Beda commen-
tationi in Psalmos immortui sunt. Infelix qui-
dam Apostata in Anglia, cùm morti proximus
inveniretur occupatus in terendo Plinio, & mo-
neretur, ut ejus loco S. Scripturam legeret, re-
posuit se in isto plus succi quām in hac inven-
ire. Sic lapsu semper graviore homines miseri-
ruunt in tartara.

Porrò quia quilibet prudens Bibliothecæ sua
augmentandæ inhians inter cætera vel maximè
studet; ut antiquiores habeat codices sacros, è
quibus manifestè deprehendi potest, quomodo
Scriptura sacra à Luthero, Calvinio, aliisque
nova-

novatoribus corrupta sit, & absque eo operæ pretium est eam non tantum perlegere, sed & aliquid ex fundamento scire de iis controversiis, quæ nobis ratione S. Script. ejus librorum, ejus versionis & sensus sunt cum Hæreticis. Hinc de iis hic incidenter agendum.

Subsectio septima.

De controversiis ratione Sacrae Scripturae.

Quartuor hic examinanda. *1mo.* An vera Dei Ecclesia sine S. Scriptura subsistere possit. *2do.* Unde eam extare constet, & hos illosve libros esse Canonicos. *3ti.* Unde constet hanc illam versionem esse legitimam. *4to.* An Scriptura sit clara, & textuum Scripturæ sensus sit clarus & quis.

1mo. Ecclesia vera Dei fuit ante S. Scripturam sive scriptum Dei verbum. Vigente enim lege naturæ absque illa circiter duobus milibus quadringentis octoginta tribus annis usque ad Moysen Ecclesia floruit, & vires sanctos, ut Abel, Henoch, Noë, Abraham, Isaac, Jacob, &c. nullis extantibus libris aut verbo Dei scripto, sed purâ putâ traditione instar hæreditatis veluti per manus à Parentibus datâ filiis, generavit & generatos enutritivit. Postquam autem Moyses ea, quæ primis mundi sæculis contigerant, & legem, quam à Deo acceperat, in codices redigisset, & plures alii Prophetæ sibi divinitus factas revelationes litteris mandassent,